

BILTEN

IZDANJE #32 AUGUST 2025

Strana 01

Adriatic Metals BH i Dom zdravlja Vareš u zajedničkoj borbi protiv melanoma:

Besplatni pregledi mladeža i donacija dermatoskopa kao doprinos zdravijoj budućnosti zajednice

Strana 02

Adriatic Metals BH i City Transport podržali Dom zdravlja Vareš

Strana 04

Statistike Odjela za ljudske resurse



ADRIATIC METALS BH I DOM ZDRAVLJA VAREŠ U ZAJEDNIČKOJ BORBI PROTIV MELANOMA

BESPLATNI PREGLEDI MLADEŽA I DONACIJA DERMATOSKOPA KAO DOPRINOS ZDRAVIJOJ BUDUĆNOSTI ZAJEDNICE

Maj je mjesec podizanja svijesti o melanomu, jednom od najčešćih, ali i najpreventabilnijih oblika raka kože. Kompanija Adriatic Metals BH, u saradnji s Domom zdravlja Vareš, organizirala je besplatne preglede mladeža za sve zainteresirane građane.

Dvodnevna akcija, održana 29. i 30. maja 2025. godine, u prostorijama Doma zdravlja Vareš, bila je usmjerena na edukaciju stanovništva, prevenciju i pružanje konkretne medicinske usluge, s posebnim naglaskom na rano otkrivanje melanoma, koje značajno povećava šanse za uspješno liječenje.



Ukupno 53 osobe iskoristile su priliku da obave pregled mladeža i dobiju stručne savjete od medicinskih profesionalaca, čime je potvrđena zainteresiranost i potreba za ovakvim vidovima zdravstvene podrške na lokalnom nivou.

Ova inicijativa još jednom potvrđuje posvećenost kompanije da, osim kroz ekonomski razvoj, aktivno doprinosi i zdravstvenom, edukativnom i društvenom napretku lokalne zajednice.



ADRIATIC METALS BH I CITY TRANSPORT PODRŽALI DOM ZDRAVLJA VAREŠ

Dana 3. jula 2025. godine, Tim za upravljanje zainteresovanim stranama kompanije Adriatic Metals BH obilježio je uspješan završetak Inicijative za podizanje svijesti o melanomu, svečanom ceremonijom u Domu zdravlja Vareš. Ovaj događaj obilježio je i zvaničnu donaciju dermatoskopa, ključnog dijagnostičkog uređaja za rano otkrivanje kožnih oboljenja, koja je realizovana kroz zajedničke napore kompanija Adriatic Metals BH i City Transport.



Događaju su prisustvovali predstavnici sve tri institucije, a ceremoniju je otvorio dr. Ahmed Memić, direktor Doma zdravlja Vareš. Dr. Memić je izrazio iskrenu zahvalnost na donaciji i naglasio njen značaj: „Ovaj uređaj će uveliko unaprijediti našu sposobnost da rano dijagnosticiramo i liječimo kožna oboljenja, posebno u zajednicama poput naše, gdje je pristup specijalističkoj njezi ograničen.”

Sergei Smolonogov, generalni direktor za istraživanja u Adriatic Metals BH, podijelio svoje lično iskustvo s oboljenjima kože.

„Prevenција raka kože počinje rano, i to nije problem samo za ljude koji žive u suhim i sunčanim klimama,” rekao je Smolonogov. „Edukacija i rano otkrivanje spašavaju živote. Dermatoskop se koristi kada je šteta već nastala, ali njegova uloga u ranom prepoznavanju problema je ključna.”

Njegova priča je snažno odjeknula među prisutnima i poslužila kao snažan podsjetnik na važnost redovnih pregleda kože te zaštite od sunca i UV zračenja.

Ahmed Likić, direktor City Transporta, također se obratio prisutnima, izrazivši ponos zbog partnerstva s kompanijom Adriatic Metals BH.

„Podrška lokalnim institucijama poput Doma zdravlja Vareš nije samo odgovornost, već i privilegija. Saradnja je ključ za izgradnju jačih i zdravijih zajednica.”



Ova donacija predstavlja završnu fazu Inicijative za podizanje svijesti o melanomu, koja je pokrenuta u maju 2025. godine kao dio šireg opredjeljenja kompanije Adriatic Metals BH prema zdravlju zajednice; ona dodatno potvrđuje naše uvjerenje da se istinska održivost gradi kroz iskreno partnerstvo i trajna ulaganja u ljude koji žive i rade u sredinama u kojima poslujemo.

ADRIATIC METALS BH DOMAĆIN STUDENTIMA I PROFESORIMA PRO – SLO DOKTORSKOG PROGRAMA: DRUŠTVENA DOZVOLA ZA RAD (SLO) U PRAKSI

Doktoranti i profesori međunarodnog doktorskog programa PRO – SLO posjetili su Adriatic Metals BH/Vareš u razdoblju od 23. do 27. jula 2025. godine, s ciljem sticanja izravnog uvida u osiguravanje i održavanje društvene dozvole za rad (Social Licence to Operate – SLO), ključnog koncepta održivog poslovanja.

Cilj projekta PRO – SLO je premostiti jaz između sektora sirovina i ekonomskog, društvenog i etičkog diskursa, te osnažiti buduće lidere u industriji sirovina za pitanja društvene dozvole za rad/SLO - a, kroz osposobljavanje studenata za razumijevanje složenog procesa SLO-a.

Učesnici su imali priliku istražiti potrebe, zabrinutosti i očekivanja različitih grupa zainteresovanih strana s kojima surađujemo. Također su upoznati s pristupom „Adriatic Way“: transparentnim i kontinuiranim dijalogom s lokalnom zajednicom, izgradnjom odnosa povjerenja, proaktivnim prepoznavanjem i ublažavanjem rizika te integracijom ESG principa u svaku fazu projekta.

Ova posjeta je bila prilika za otvoren dijalog i razmjenu iskustava. Kroz praktičan rad, studenti su stekli jasniju sliku o tome da se društvena dozvola za rad ne dobiva sama po sebi, ona se gradi kroz povjerenje i odgovornost. Njihov akademski pristup nama je donio nove perspektive i korisne sugestije koje nam mogu pomoći da dodatno unaprijedimo naš pristup.


Izuzetno nam je zadovoljstvo što smo imali priliku ugostiti ovako energičnu i motiviranu grupu budućih lidera u oblasti ESG-a i radujemo se nastavku saradnje.



STATISTIKE ODJELA ZA LJUDSKE RESURSE

U Adriatic Metals BH, naš fokus i dalje ostaje na jakom partnerstvu sa lokalnom zajednicom. Prema statistikama zaključno sa 30.6.2025., ukupan broj zaposlenih u AMBH je 566, od čega su 235 (55%) zaposlena sa područja općine Vareš

Naši timovi su otvoreni za nove članove. U našem Informativnom centru možete preuzeti informativni letak, pogledati otvorene pozicije i zahtjeve na istima i prijaviti se, ukoliko ispunjavate navedene uslove.



LIVING HISTORY PROJECT

Marko Bjelovuk

Student Rudarskog fakulteta Prijedor

Za početak, možete li nam reći nešto više o sebi? Kako ste se odlučili da studirate rudarstvo?

Ja sam Marko Bjelovuk. Iz Prijedora sam i student sam Rudarskog fakulteta. Za rudarstvo sam se odlučio zbog interesovanja prema tehničkim naukama i prirodi.

Šta Vas najviše interesuje u oblasti rudarstva? Imate li određenu specijalizaciju ili oblast kojoj bi ste se želili posvetiti?

Dosta toga me interesuje i postoji još mnogo stvari o kojima treba da učim i istražujem, ali trenutno se još nisam opredijelio za oblast u kojoj ću da se razvijam kao inženjer.

Kako ste saznali za kompaniju Adriatic Metals BH? Da li Vam je neko preporučio ili ste se sami informisali?

Saznao sam preko društvenih mreža.

Kakav je Vaš prvi utisak o kompaniji Adriatic Metals BH i njenom načinu poslovanja?


Mislim da je kompanija jako organizovana, uređena i da radi na visokom nivou.

Kako gledate na program stipendiranja koji kompanija provodi? Šta Vam to znači kao studentu?

Program stipendiranja mi pokazuje koliko kompanija vrijednuje studente i ulaže u njih i njihov razvoj. Kao studentu to mi znači mnogo i podstiče i mene ali i ostale kolege da budemo još bolji.

Na koji način bi voljeli da sarađujete s kompanijom u budućnosti – kao pripravnik, zaposlenik, istraživač...?

To još trenutno ne znam, ali ako bude bilo prilike da sarađujemo vrlo rado.



Dobitnik stipendije Adriatic Metals BH za 2025

Koje vrijednosti ili dobre prakse Adriatic Metals BH bi posebno istakli kao pozitivne?

Stipendiranje studenata, doprinos razvoju lokalne zajednice, ravnopravnost itd.

Kako vidite sebe za pet godina? Koji su Vaši profesionalni planovi nakon završetka fakulteta?

Vidim se kao diplomiranog inženjera rudarstva. Možda nastavim sa daljim usavršavanjem i školovanjem, a možda odmah pronadjem neki posao u struci (još o tome nisam razmišljao).

Kako ocjenjujete savremene pristupe u rudarstvu, posebno kada je riječ o sigurnosti, zaštiti okoliša i digitalizaciji procesa?

Da li Vam se čini da domaće kompanije idu u tom smjeru?

Mislim da su zaštita radnika i okoliša kao i digitalizacija procesa preduslov uspješnog funkcionisanja jednog rudnika. Da djeluje mi da naše kompanije idu u tom smjeru.

Da li ste imali priliku da posjetite Vareš ili da učestvujete u nekoj aktivnosti koju organizuje Adriatic Metals BH? Ako jeste, kakvi su Vaši utisci?

Imao sam priliku da posjetim Vareš, ali nisam učestvovao ni u kakvim aktivnostima.

Koliko Vam znači podrška kompanije Adriatic Metals BH u Vašem obrazovanju i profesionalnom razvoju?

Kao što sam i rekao podrška nam dosta znači i drago mi je da neko prati nas i naše rezultate.

Kakvo je Vaše mišljenje o ulozi rudarskih kompanija u razvoju lokalnih zajednica? Možete li navesti neki primjer dobre prakse?

Mislim da takvih kompanija treba da bude što više na području BiH.

Za kraj, imate li neku poruku ili savjet za buduće studente rudarstva?

Učite, radite i dajte sve od sebe.